


北直四九



		二	漢
		三	書
		四	門
		九	
五	一	〇	類
四	三	函	
冊	架	號	

庫	文	閣	內
二	二		漢
九	三		書
函	五		
一	四		
二	九		
架	冊	號	類

內閣文庫			
番號	漢	2349	
冊數	54	(3)	
函號	291	54	

天下郡國利病書三



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



天下郡国利病書卷五

小滩鎮



舊府

大名

元城

大名縣

南樂縣

清豐縣

開州

東明縣

淺草文庫

府

魏縣

漳河

內黃縣

藩縣

滎縣

長垣縣

天下郡國形勝考卷之

大名府志

按元輿地圖河北山東西盡中書所轄也國家割鄴汲以西隸河南割滏博以東隸山東而大名府郡衝距百四十里縱特三倍之北繚館陶南深入蘭陽儀封之間而獨領於畿內者何哉要之在易制耳河朔之地西接太行北距蜚狐東窺齊魯南阻河為險自古稱重鎮蓋其形勝隱然四境之外固不區區在疆域間也唐不能分其地而并為河北路故藩鎮擅其疆而唐以斃宋不能分其地而并為京東西路故契丹擅其疆而宋以削豈盡將不強士卒不衆哉由形制之失其利也國家引

大名獨新而為三不設兵衛而沃壤千里輔東都甸意深遠矣

所屬州邑滑為最大開次之長恒魏縣地不逮滑也而物產稱饒為元城豐潘三邑等耳南樂又次之東明又次之內黃與開州接壤並稱饒將且多硝河下墊故多沙礮苦淹者以十年之通居六七也是以令於斯者恒感顛以從事又大名縣自古稱元城之貴鄉或置或者當洪武以前府治東去縣三十里似不可已今既從而西凡大名縣所稱膏腴地皆割而為府治城內外及四關皆是也以故地益賦民益負令雖贖莫可展布以今

視之誠可省而入於元地也

府故城在城迤東八里唐魏博節度樂彥禎所築也周八十里弼為河北雄鎮宋慶歷間復建為北魚百官有司畧如東西京故事詔輸內府緡錢十萬築行宮洪武三十四年水北為患都指揮吳成始徙築今城周特故城九之一高三丈有奇南距衛北負漳為險嘉靖以來

漳并流入衛頗或鑿城矣按漳衛二河子徙不一六約

水西注魏具北歷西店東注館陶合衛水止德初徙府

南閭家渡入衛又十年自雙井入衛皆由艾家口東北

注小灘館陶入器清堤堰完固環抱郡城雖時小決亦

易補塞自如清三十六年復決于回除之下遂合文家

口往大名縣南分流汗漫生倉適村始入旧河身每夏

秋水漲輒泛溢四出為害甚蘇距潘志款求故道引使

北直四
三
三

北流以救其勢然病其糜費頗多似難卒復今大名
與西軒有支流去支家口僅三里許可開渠河北入循
艾家口日通用力不費而積用可成矣通河設險之策
也漳河之西徙也土為風氣憲民為貿易憲惟稱不
便業先告后者屢二十九年知府達時相蒞任后遞道
陳利病乃循與見詳當道檄族管大名知與鄆得書將
衛河自白水村至艾家口開渠十一里達漳河故道復
于衛河之東企引衛水于漳大通舟楫適是年秋淫雨
泛溢勢甚洶涌流賴二派分流大名與幸不為治復僅
引三分于漳仍流七分于衛俾而俱存之乃沙堤
復有冲開河身仍涸近于城西南漳河村置閘又濠于
忠孝祠前築堤涸
則注之溢則洩之

按隋唐時黃河在澶涇之間隋置黎陽倉漕粟入汴粟
節度羅紹威二歲輸穀百萬以供京師而宋人因之此
大名歲漕之畧國家以來黃河南徙蘭陽堡封之間而

餉道絕故河南輓漕每歲遣部使者一員駐鎮抬高倍
價轉糴輸兌民數十萬石于是山東之粟東至砥鄴之
粟西至潘黃之粟南至亦一都會也鎮有浮艘二所曰
廣溢橋有戶部分司布政分司規制畧備

魏北學鎮象成安臨漳之間民饒而芦者千餘家知
縣馮惟訥如檄堡北學明年復堡双井而知縣董威繼
之置義倉及斥堠我器之教畧備双井阻漳衛合流之
衝亦他日列屯地也邑人王永壽託嘉靖甲寅知縣陸
東復堡沙口當郡縣之中居民數百家其地東倚城郭
西入魏由邯鄲之道走邢襄踰恒山上谷以達於京師

自井陘而下守魏則郡之全境安非涉沙口郡城未可
窺也邑人中燧記

瀋 瀋故稱黎陽隋唐時城大伍山麓北而一統志云
廢黎陽縣在今縣西二里蓋黎陽漢以來嘗置兵監聚
六郡校士戍屯于此入隋唐成列重鎮焉按故北衛水
以西也水經鄴道元注云黎山之北故城蓋黎陽縣之
故城也今黎山不可攷宋天聖間瀋州治沒為湖始徙
浮丘山巔洪武初復徙山之北陂和治十年知縣劉台
城周七百三十支有奇是時城西連浮丘登高內瞰指
顧畢盡不可戍守嘉靖二十九年知縣陸光祖乃截西

南隅弁之城外拋山岡險絕處改築焉於是城小且堅
可恃為水利云

開州 開故城按五代晉與梁人戰以鉄鎖斬德勝口
築河南北為兩城号矣寨宋獨守河北城而熙寧十年
河决為患始徙築今城前方列而後拱形如卧帶周二
十四里

東明 杜勝集在縣南六十里近年以來黃河數出沒
經流其間置通判一 督夫繕塞即宋監河堤使也

山川

大名諸州縣境內曼行相属无他山獨瀋阻淇衛之間

余嘗登太伾最高處望之蓋於太行之左麓也故其下
多山淇水自縣西北入界南流至枋頭仰合衛水折而
蜿蜒西北濠縣之右北接漳流以出諸山亦循二水而
出與之最西北八十里而峙者曰黑山周五十里漢獻
帝時黑山賊十餘万中掠魏郡即其始踞地也山多削
壁怪石迴蹊曲澗盤鬱其中里山西南曰陳家山在揖
而南五十里曰童山隋宇文化及曾与李密戰其下山
无州木故曰童山麓連綿亘引四十里北屬善化
山其行若遊龙而所當眷處若龜脊也故曰龜脊岡
之西有山相輔而行西屬太行白達西岡善化去縣西

北二十五里山出雲多樓觀亭台或舟車旂鼓人馬之
狀勾態百出故曰善化分而為三故一曰三山俗傳紂
殺比干于此故又曰左人山多花斑石可為屏几柱
礎成曰善化者即其氣也近岡採石太多變狀頗少矣
山下楹泉七十有二而龜脊之左有山曰白祀白祀童
山之下並有陂按鄴道元水經注云五穴口二水連五
軍東分為蓼溝東入白祀陂又南分入同山陂溉田七
十餘頃同山即童山也童山西麓又別有波羅河南流
至龜口峽伏流地中潦溢則合於長豐泊地里志曰天
下水名泊者二一曰梁山泊一曰長豐泊二即二

岐所會今為牧焉逐水草處閩之父老曰東行尚有廢
關北今其地多沮洳地頗不耕稍依廣平金河故事沿
岡穿渠東屬屯子口入衛則其田固多可福也山東行
伏衛河之底而突起繚於衛之東岸者田浮立今縣西
枕衛跨浮立之脊西城浮立之末二里曰大伾禹貢道
河東通洛汭至于大伾是也周五里有奇上多浮屠宮
嶼岩洪洞之跡焉大伾之東曰鳳凰東於曰紫金二山
者大伾之餘氣也其合淇衛交流之口無復旁引蓋大
行左俛趾處矣故世多帝王都邑及矣豪奮跡往不
可勝數焉又按傳紀別有黎陽山今失其處若他州縣

志以山書者尤為衆多滑曰鮒鮒山一名高陽山海經

頌矣其阴四沱衛之方曰白馬山若宇記在東北三

輿勝覽一名青塚山也曰白馬山十四里水徑注云昔

有馬群行山上悲鳴則河決馳走則山崩故津與曰

皆以此名今東三十里有村曰白馬堦疑其處也

狗脊山其地出狗脊草故名曰天台山宋天禧三年

城西有高浸瀾百開曰金沙山建炎中楊樣守開

出弟彭年代領金人攻洋之棧歸殪其守卒嬰城固守

以金曰洪洋山道即真東南人嘗遊午此石遂葬焉今已廢

曰衛陽山一統志在東南二十里曰雞鳴山在儒季東

明曰白雲山或曰張良托辟谷隱東明之曰電光山

在與東南清豐曰秋山營壘于秋山之北今按為黃河

故道南樂曰方山在與北七里方山故時相傳有東面

呼之仍大名曰惟山其北十五里或曰漢或帝時河決名

今曰城之西有惟元城曰沙麓山其北四十五里春秋

月辛卯沙六廟即此漢間多本傳記頗可攷驗狀或為

王翁儒嘗徙居其下

黃河所徙或由好事者所附會予嘗行縣半不可考見

間所指畫惟極土列草莽間高者二三丈下者尋尺而

右大名境內諸山紀

已余故不詳特附傳記所載以備來者之覽焉

按古傳記黃河為最大澗次之淇次之洹水蕩水清水

及美防宜肺溝諸水又次之而漳衛不與焉於今多涇

膠異同不可攷桑欽水經曰河東之水淇水入焉東至

遮害亭注曰淇水東一十八里有金堤一高一丈自淇

北入又右迳涓臺城又東北迳黎陽縣南又東北迳吳

子胥廟南注曰廟在北岸頓立累臨測長又東北迳戚

城西注曰河上邑又近繁陽縣故城東又東北迳昌樂縣

故城東又東北迳元城縣故城西北而至沙丘堰澗水

東迳封丘縣又東迳東昏縣故城北注曰澗水自大伍

為榮澤淇水東迳內黃縣南為白溝注曰宛水東南入

不可曉淇水東迳內黃縣南為白溝注曰宛水東南入

皆故道受河于頓丘注曰宛水東南入屈從縣東北每洹水合注曰宛水東南入

洹水送西南東注之又東北迳羅勒城東又東北迳漳水

又東北過館陶縣北洹水東北延鄴縣南又東過內黃
縣北入於白海蕩水出河內陰縣西南山東又東北至
內黃入于黃澤蕩水即湯水也德曰蕩水亦謂
之黃產海秋夏則泛春冬則耗清水東
過汲縣北又東入於河注曰清水又一日羨水出湯阴
西北四十里流羨里城北東至內黃与防水合而水經
注又云防水出安陽縣西北東經防城故名又東合湯
水入黃澤宜師濟東北至內黃入湯水自魏武梁衛河
北流四水並入于衛欽漢人注之者鄰道元魏人此漢
魏以前諸水所經流畧也然按漢書河具志唯黃河為
患餘水不詳見武帝時河決瓠子口又放黎陽遮害亭

帝自臨決河令群臣從官自將軍以下皆負薪寘之乃
塞成帝時復決隋書以後頗見傳記為患然亦不數唯
五代及宋南渡之際歲決潘滑開黃南樂清豐諸州縣
之間而諸州具壞半為漁屯之宮當是時天子震悼遣
臣沉白璧白馬以祭而州具長吏並魚河堤使以嚴水
患又增置都水監使者行視河決賦諸州薪名捷襍芟
竹輸大名歲數千万然迄无成功与宋相為終姑何者
其病專左捍提回河而不能順丁以導也元賈魯治河
以后河頗南徙所為大名境患者不數矣今其流在封
丘蘭陽之間去長垣東明遠者越百里近者六七十

河具志卷之三
河具志卷之三

當教世无恙余故不論著而衛河者即水經淇湯諸水
所合流以出者也一名曰御河近内黄以下為漳水所
合按經曰漳水東過列又縣東北過赤漳縣南又東北
過曲周縣東又東北過鉅鹿縣東按宋河渠志惟黄河
數千王供婦諸家溢入衛河有司輒塞或沙河間亦引
水併入而終宋未嘗與衛合流者因初漳西注魏县而
北歷而店東至館陶入衛止德初始徙府南閻家渡入
衛又十餘年自雙井入衛近復自回隆入衛徑稱漳水
湍悍併流漸南則衛所嘗受害漸湫溢近年以來潘縣
内黄之界頗教患溢蓄而大名艾家口迤西漂去庐舍

淹民田者不可勝數或草議循漳河故道即入衛之處
分流北注以殺河勢此最計也特惜興徒煩鉅稍欲繕
堤防以護河決於乎宋之六塔河故事可鑒子不敢不
為土之人深長憲也万歷十九年知府塗時相議後河
自白水村至艾家口于一里達漳河其詳見境内圖記
雕馬河北在天名具王莽河即七伏河故瀆士人悞呼為
魏洲壁沙河出城淮流沙河南引漳入北漢河復西
即此壁沙河出城淮流沙河南引漳入北漢河復西
里定其流常滑河自大洛以西百水皆金于滑唐沈亞
者也志濮水在開州東六十里即在鴈鵠泊在内黄
别為清河濮水在開州東六十里即在鴈鵠泊在内黄
八十里周高橋泊在府界唐節度屯窠河里南樂具六十
里周高橋泊在府界唐節度屯窠河里南樂具六十

北直四

至九窠村故其地或附会或流徙沒其處故不著者也

右大名境内諸水

大名境内别有窪水者非出泉谷有經流志所不載頗淤漫田間沮洳為患者也其為最鉅者一曰衛南陂由滑縣南界受昨城蓋華潭三德口諸水北注滙城而東又迤北注挑園而東南滙為衛南陂所浸沒者凡四十里許或曰衛南陂即古衛南縣廢治也二曰澶州陂或曰古澶水也舊志在頓丘廢縣西南二十里伏流至古繁水謂之繁泉今按澶水由開州南界東北注清河頭十之七分注於霸家河又東注濮州入於張秋十

之三分至於清豐縣東衛界孫古城北滙為朱屯河又西受碓河之自傳寧河而東注者流次邵家灣次英滿城而北滙於南樂趙庄或即古繁泉是也間溢則又東引清流橋以達東館鎮是三日碓河由滑縣北界其一注間州馬駕河東北注戚城半東滙為趙村陂所浸沒者地七八百頃而西引黃家潭口復會入於白倉之北半夾戚城注白倉北合趙村陂而來還者會於傳家河北注岳儒固以達東館或北注於大名其一由石村滌內黃東北注大名屯橫腰大名縣南界又東北注三角潭而十之三自飲斗口江衛十之七自梅家口注衛是

也間水溢碯河北注之勢不能直則一由石村分注開
州火燒店迤清豐之秦村而合于岳儒固一由內黃城
東迤南樂西迤德固復注之二流者若經帶而交內黃
滑豐南樂之界者也水少殺則否渾衛之決鬪其患固
大或數十年一適或十餘年一適民猶稍得繕漫靈以
避之而諸水所淤浸田陸之間十歲九適不得他徙春
冬稍耗秋夏則溢然為江湖鳧雁之澤而碯河者又泄
鹵下墊几所徑流率數歲不復芻收計南北縱一百六
七十里橫或十數里少者二三里予間行縣求之蓋兩
河之間古受井田處也自秦廢阡陌歷唐宋以來海涸

之規漸荒沒不治故率為田陸而大名諸州縣田南接于
太行之左麓而下其田由西南俯注而滑為受河南界
諸水最損春霞迤東北則開州內黃清豐又東北則南
樂大名而東為張秋漕河北為衛河東北為山東冠縣
界乃其所壑處也水之行地中也猶人血絡手足百骸
之間血循絡則治否則錯徑妄行為痿痺崩漏數百里
之間曠然平隍立阜相亘而无丈尺之渠以瀦瀉其間
南三日二日適為溉漑稍進之旬日則壅腫內溢矣烏
得而不壑也全問長者疾苦狀或言鑿開州之南堤疏
衛田陂之水東北合澶淵東注之以入於張秋而朱屯

河以下特合其受溢豐南樂本境之水而已鑿確可東
西二支一則由內黃入大名之梅家口一則由開之戚
城寨趙村波傳家口之東折者而直入於岳儒固迤東
館大者廣一十丈小者減三之一深特十之一而旁楚
以堤之左右分流田間水道倣江南旱澗之法而穿
於堤之下以馮堤所阻捍之處如此則衆水各有所
歸而歲可樹獲矣

右附論大名境內近年諸窪水之患

故時堤渠之跡在元城境者曰西渠在元中刺吏庠暉
開道溢渠以通江淮在元中刺吏庠暉
之貨今淤為平壤矣曰寸金堤在元中刺吏庠暉
故時堤渠之跡在元城境者曰西渠在元中刺吏庠暉

故曰王村堤自清豐界延長六在大名境者曰逮家堤也
去東三里許相傳曰李茂堤去東八里曰范勝堤去東
威里連氏居此故名曰李茂堤去東八里曰范勝堤去東
十五曰張家堤去東三里曰附城堤環縣治以
柳十株故又曰諸公堤在縣治西北二里曰紅船灣堤
名吳公柳堤在縣治西北二里曰紅船灣堤
河堤在縣西北五里曰紅船灣堤
在史家口東北一里許弘治初曰沙五堰水徑二
冲决為患亦知府李瓚所築曰沙五堰水徑二
或云節沙堰在魏縣境者曰漳堤
里北岸自成安五里俱由魏縣抵元城每夏秋
雨河漲冲决甚慘方歷中六年北抵元城每夏秋
具梅守信補築大堤以防于二十年
河决臨漳舊口淹損麥苗于二十年
城三恩被患處備力堤防二十年
田大年同鄉民張大戴等控告永突隨親詣查勘推夫

卷五 北直四

重諸為一勞 曰鮑公堤 環城外 故治中 知在南樂境

者曰宋堤 東去塔河十八里 南樂河 岸南自清豐 在清豐

境者曰復闌堤 宋守記 清州 臨河 亦有之 蓋相局 陽入

在內黃境者曰六輔渠 漢既民 寬為內黃 合開渠 曰高堤

南起高堤 鎮北 接伯 曰黃澤堤 在縣西北 五里 澤廣 教

口集延 亘四百餘里 曰黃澤堤 在縣西北 五里 澤廣 教

其地也 曰倪堤 倪寬 曰古堰 在衛河東 乃止 河在開州

境者曰宋堤 去州南 先生許 荆州 時所築 曰灵平 娟 在西州

隨起 隨築 滑 亦 有 之 在滑縣 境者曰鯨堤 在廢縣 西十五

水時 築 曰 鯨子堤 在城 南 三里 曰陳公堤 在 南門 外 州

曰大堤 南 邢 村 一 在 黃 塔 兒 曰東西堤 一 在 大 缸 頭 西

州 一 士 在 呼 為 吳 曰新堤 正統 四年 河 決 作 城 復 紅 堤 之

堤 累 之 東 接 長 村 在 濬 縣 境 者 曰 水 溢 渠 在 其 北 十 里 隋 大

黃 亦 有 之 滑 西 城 下 即 衛 河 廣 數 丈 堤 甚 卑 薄 上 受

淇 水 諸 流 夏 秋 淫 雨 暴 漲 淹 沒 民 田 西 南 二 波 水 害 尤

至 劉 侯 固 塞 築 長 堤 以 障 之 後 人 至 今 村 賴 許 自 羊 石 村

一 故 道 中 以 流 所 歸 水 由 田 氏 村 順 入 衛 河 東 滑 西 濬 民 得

安 諸 一 萬 歷 十 年 滑 具 土 豪 徐 守 定 等 杜 寒 堤 口 壅 水 禍

後 北 一 帶 兒 魚 蟹 濬 民 張 志 等 鳴 于 兵 備 行 大 名 蕭 知

而 止 之 翔 得 其 情 徒 在 長 恒 境 者 曰 王 尖 口 東 至 縣 三 十

于 築 堤 始 曰 朱 家 河 堤 曰 三 春 柳 堤 曰 大 岡 堤 曰 閻 家 潭

堤 在 上 四 堤 並 曰 油 房 村 堤 在 安 曰 牛 家 口 堤 在 黃 曰

周 村 口 堤 在 烏 曰 速 報 司 堤 在 鳳 曰 常 村 堤 曰 新 豐 堤

在 直 豐 里 曰 油 房 村 堤 在 安 曰 牛 家 口 堤 在 黃 曰

水經 卷五 北直四

以下堤相角去縣西南三十五里自朱家堤在東明境者
曰長堤南距縣六十里西入長垣東抵曹州綿亘二百
有流城濠堤唯城門堤外舊有晉河一道當黑羊山下
倫增橋以余堤以障之曰杜勝堤在縣南六十里加請十
堤大東明者三十三里皆近年所築知縣區大倫督令
長堤孔固河曰七堤西距縣四十里曰金堤堤最古
不為患矣曰七堤古隄也長七里曰金堤堤最古
時已有之漢書曰河決酸枣東潰金隄是也延袤二百
余里朕終于元城南樂清豐開州滑縣東明之間知
府李瓚增築

右志境內堤堰海渠之類 愚按古人建城必為水
海以引城內潦出而達之濠水通流域以內室戶保

元淹浸即大名郡城只南門下通一渠而西北東三
門更元水口雨多水溢聽浸溢于城內隙地如遇霖
潦泛溢則合城為巨湖居民其魚矣若西南大寺前
東南隅角樓下池窪不可通海而他十州邑城更元
一通水海蓋未見水患而莫肯預圖也 通判楊端雲識

方物志

余嘗覽傳說

預章多漆長沙以南多丹礪塞以西多石馬何者山空
徧沮瑰瑋磅礴之氣故也大名為中州故其民人宜稼
穡其土宜五穀蔬果牛羊雞豚以為養率五方所同也

无他方物書攷故時黃河往流其間江淮閩蜀之貨往
往遠者萬里近者數千里各輻輳至而國家以來河南
徙滄東阻數百里惟臨清為南北都會稍一轉輸通有
无於市閭之間然錦綺翡翠珍異之物亦不至余嘗按
次境內多黍多稷多粟多梨枣其耕畜牧百畝之家百
樹梨子樹枣牛一頭驢二頭千畝之家千樹梨万樹枣
牛十頭驢二十頭此其大畧也魏以西南多桑絲絹黃
以北多硝多蠶黃之人不得種樹老少數煮鹽以贍朝
夕而有司奉法為厲禁不得出郡縣他境故其價輕售
而民人負瀕漳衛之間頗有魚鼈然泉澤數殺而網罟

少木多榆柳民間廬舍器具各採園林所樹以自給非
勢室巨家不以輓五方滄汴之村而至土無秬稻故酒
多黍釀土宜桑絲然秦漢以來兵革代興戶口散止而
樹桑者什一而已故織絰不廣男女衣服多布多麻桑
棧蠶之屬惟長垣有之然亦不遠南州之精美也嗟乎
州邑之間廢幾長厚務奪矣此其古魯衛遺風流美也
予謹列而識之若他蔬菜花鳥非郡縣有司之亟也故
不詳書

田賦志

予按傳記次大名境內三代以來戶口贏縮之數蕭何

三六四
北直四

嘗收秦國籍史記不載下及曹魏晉宋五代畧矣漢魏隋唐迄宋金元史際稍：籍記割隸州邑與今時不同或難詳定嘗括其數之現存者想睹之毋漢為最盛何者休養生息世久故也我國家洪武初承金元之後戶口凋耗閭里數空諸州縣傾從山西澤潞之民填實之余過魏縣長老云魏縣非土著者什八及潘洎內黃來明之間隸七田者什三可概見矣然百餘年後累全逸降土無兵革之間民人樹畜稍：鎮溢其中蓋嘗次之洪武初境內州縣為里三百二十五弘治十五年則益二百二十有七宣德以前戶口不可考正統七年計戶

五萬一千八百八十三口二千九萬二千六百二十四弘治十五年則益戶一萬七千九百二十一口三十一萬二千五百二十五故孝皇帝時方為極盛與兩漢相當止逸間征需滋煩民或不給間名水旱凶荒數轉徙尤著故四十餘年以來男女稍孳息口益三萬四千四百八十七而里甲漸耗減其里六十有一減其戶一千九百四十九此其大較也州豐則敷肥林茂則鳥歸法網疎逸降給則民人滋舍觀閔塞北轉力疲於戍守江南之民降竭於歲征淮潁而下股削于失役大名諸州縣稱河北沃土近年獨戶口日耗者何哉問行諸州縣

子長老問疾苦狀長老前曰江南之患糧為最河北之
患馬為最且故時俵馬志道孳生近則必市西馬費每
數倍近年以來額外復有餘地之征民不堪命一也成
化以前民間自兩稅馬糧以外不過歲給官師台皂廝
役而已弘治以後中外坐派歲增什倍其六其最鉅者
若糸班皂隸及惜薪司柴夫歲入三萬諸郡縣驛傳二
歲費二萬有奇此夏民所不堪者二也正統時州縣始
設机兵止德間怨薊盜之亂復益置快手歲費金一萬
以上三也弘治以前河雖教患薪芻夫沒征輸有時連
年以來河或南徙歲設白夫二千五百名故時歲費計

金亦七千五百迨稍從未減然亦不止四也弘治以前
歲常豐稔間有凶荒亦什之一二而已正德以來水旱
相仍斗米百錢者相望况土之俗故不為積貯少急則
轉徙亡業五也國初以其土曠賦輕之時計口而食之
者轉八萬有奇故其力贍而戶日增今則以其斂享災
數之時計口而養之也至六十万以上故其力耗而戶
不得日減此其勢也於呼為民牧者所歎歎太息也
已余故首國家未戶口贏縮之數次疏賦稅之額俾有
司者按籍而酌許焉 一日立畝大名之土曼衍非若
秦隴江淮會稽豫章長沙象郡閩蜀嶺海之間阻山塹

谷其籍可畫而守也狀國家草昧之初戶口散亡國籍
不存當時州縣長吏率按民間口畫大度所及而籍之
故其夏地秋地棉花束林農桑之額不同而別有馬廠
實廠並為官地其所台佃而征入子粒額最輕民不得
賣買迨年以來自官地外畫已別術然諸州縣之籍草
次兵燹之餘故自相廣狹互有不齊有大畝有小畝小
畝者即周人六尺為弓而步二百四十是也大畝則倍
之而上下有差或以五百四十步或以七百二十步或
一千二百步是也而養烏之額六頃贏縮以驛馬一匹
為率最重者二頃三十畝而最減者為八百五十畝數

糧之次第紛雜迥出乎其間而又聞民間隱沒至頃畝
以上雖里甲什伍之中不能私相次舉按大名之土連
至數百里無甚懸隔何益悖至此也予竊謂田賦必均
而后可久除沙莽之地別籍外請檄諸州縣長吏畫一
而度之以鈔准尺以尺准步以步准畝以畝准賦倣江
南魚鱗冊故事而編次之曰所籍不存之額悉罷去而
括其賦之見存者均攤於州縣之間一切糧稅馬草駟
傳均徭里甲之類率例視之以差數百里之間風土人
烟同條共貫或稍寧謐矣此今日有司之事也然倍習
既久稍更必拂余不敢必其可行時草議以待來者令

按加靖三十一年所入之版書之于後其大地四万七千一百八十一頃八十五畝二分二厘七毫四絲一忽而諸州縣私相廣狹之數并附見焉

徭役志

夫徭徒即古力役之征也賦地里遠近不同故以其身入庸者曰力差所待於府州縣境內者是也入其庸之值而听官轉募者曰銀差所待於京師職署及他州縣驛遞之類是也又歲計所入天子犧牲果品物料之需以及歲貢科第諸所雜出之費者曰听差听差者言不可為歲額而籍貯之以待用者也大較旧時歲征額共

一十二万二千五百七十八兩有奇今額止共一十七万七千二百三十三兩有奇而間上下有差江淮之間率如里甲之法十年次待者一而河滄以北王歲一征將數已故時諸州縣唯藉丁為九品而不計其田里胥稍得孤伏鼠沒於其間而貧弱者不堪徃：因而亡徙嘉靖以來始倣以田准丁以丁准田之法相配行之民力頗均矣

兵防志

按大名當河山割裂之間自古強兵銳卒蘇秦所稱武士奮擊天下莫強焉者也漢初令天下郡國城置材官

騎士以八月屬部都尉太守令長丞為會都試韓延壽
 翟義皆以都試者起光武以河北兵定天下乃於潯州
 置茶陽營注伏僕云名以謂者領之是后臧宮度尚之
 扁徃二將黎陽兵遂破羌胡按后漢書臧宮將黎陽兵破零
 陵馬武竇固陳珪將黎陽兵平遼唐羌郡州將黎陽兵屯奴
 匈奴列尚將黎陽兵平遼唐羌郡州將黎陽兵屯奴
 備烏桓烏桓畏其威名不敢近是在秦漢間已稱雄長
 塞下耿秉將黎陽兵遂破羌胡
 矣唐天寶間置義成軍是時河北諸鎮數失而義成軍
 者獨全以待朝廷厥後田承嗣久子鍾元政義成曰天
 雄軍恃其兵力抗衝天下九世四姓迄於唐亡田承嗣
 戶。北者皆藉為兵有中十萬選其驍健者萬人自
 衛号曰牙兵梁貞明元年楊師厚復置銀鈐節度當

宋之世迫近契丹建北京置武衛簡河北驍勇善射之
 士悉為義勇管是時兵力最盛是以契丹恃其驕悍大
 率入寇卒無成功按宋史太平興國中立雲龍武
 等軍于涇州東明長葛清州以指揮領之咸平三年
 置壯勇軍于涇州指揮二大中祥符中置成武節度
 軍于東明州通利指揮各二慶歷中置宣毅教忠
 請我軍手尤衛廣勇廣提等軍于涇州東明指揮
 各一慶歷六年沿分河北兵為四路北京通利
 舍為大名路治平元年沿河北兵為四路北京通利
 府五十三為四番熙寧元年沿河北兵為四路北京通利
 大名府路即北京州復置騎射軍通利置成遠保節
 廣德軍大名府置宣武廣威軍涇州置騎射保忠奉化
 雄勇軍元豐四年改五路豪勇為保甲秋熟則定部
 領之涇州教習大保長四百八十二人見于崇政
 攬軍大名立宣武衛馬監軍元符元年大名等府置
 馬軍廣威步軍廣捷政和元年治涇州屯禁軍三千

天下郡國志 卷之五 北直四

蓋悉天下兵力聚於汴滑之間故其兵制獨備徽欽昏
懦乃以內侍梁方平統兵拒之將領失人遂至潰敗要
非兵卒之不銳也達矣以來政令不行於河北金人概
籍民戶為軍民怨滋甚蓋虜地狀也金止隆四年治籍
大名府西京路民
年二十以上五十以下者悉遣征元更其制每二十丁
起軍一名而以萬戶統之間以江南新附軍籍置之
大元
宗八年治大名路丁新事官忽都完籍民戶三千七
乃二千九百七十人每二十丁起軍一名令各不
奔兒領云中統二年治籍十名路蒙古漢人民戶悉為
車四年置大名路系僉防城戌卒至元十六年調江南
系附軍五于編置大此秦漢以來兵制強弱之效可概
名設萬戶以領之
見矣本朝畿輔列郡建衛者五守禦所者一而大名獨

罷兵衛豈不以魏擅兩河之樞其人習挽強推剽代數
為亂故監古割其左翼之滏博隸山東右翼之鄴汲隸
河南支伏成兵臨清彰德真定之間以為形聲犄角之
勢又以山西之寧山蒲州陝西之潼關諸衛所轄隸於
此以備緩急而郡獨罷置欣由余觀之大名土曼衍不
可列都而可与爭利自古天下無發難則已稍發難則
首兵禍事在年紀可鑒也當金之南渡也虜嘗曰使南
朝以一二千人守河吾豈得渡哉已而李綱宗澤經理
兩河並募兵數萬屯駐大名以形制京東西諸郡今河
既南徙而國家復建都燕薊宋之所謂北門今乃為南

北直四
卷五
三

郡矣故其形勢稍有不合然由洛則可以窺洛陽由開
則可以窺山東由洛則可以窺常山其轉樞中原之勢
隱然在也特首領腹心之差耳正統己巳之變于肅愍
姑添机兵以為城守正惠以來薊盜猖獗出沒境內者
徃年馬朮守鄉橄諸州縣繕城浚隍設官寺銅浮屠像
鑄為戎器召募脅力別為隊伍擇縣令陳智教諭陳恂
領其事申明號令懸賞格以訊屬之聲振河朔間盜謀
聞之潛出東境不敢犯賊既蕩平當事者於是連濠置
兵備僉事一員今上改元因巡按歐珠議陞僉事為副
使隸河南按察司奉專初建節大名以於兩河之間始

轄廣平大名兩府近乃兼轄順德皆令三郡馬步兵四
千有奇而大名所籍者馬步兵九百五十名團練民壯
一千五百名快手一百九十名
以操官十一員領之別有抗院馬兵二百九十名步兵
三百十四名易州道馬兵十八名
步兵十九名天津道馬兵七十二名步兵七十二名
名本府守宿兵快一石名不与此數詳見徭役志歲秋
移鎮順德防馬嶺等口加清三十二年總督楊公建以
順德府進隘北起馬岑錦秀堂
等口南至黃背岩教道岩等口正俱屬防守順德守禦
百戶所德州衛住州左衛等山衛蒲州潼關二所俱併
節制六月中旬以後暫駐順德三時則肄武始与古者之
法傾除故警緩急調度防禦
制稍合矣予觀國家內外置衛戍守之兵列屯坐食
而已无可与格敵者徃有警惟駟鄉兵以為爭利合
及之先而况大名多剽悍閭里少年並習弓弩酌酒使

氣為節侯枕古魏勁兵遺風也有司能无徒視為故事
惠藉諸州縣壯悍者隸之畧如唐李抱真泮潞之法歲
設賞格特自便宜團結訓練以備非常實國家腹心之
地一勝策也予故詳著其本末及本道建置之原以備
一方戎制云

馬政志

國朝洪武二十八年革群監官令有司提調孳牧每五
馬立一群五群立一長永樂中始計丁養馬每一丁養
壯馬一三丁養壯馬一兩歲納一駒並免稅糧之半如
治六年兵部奏更為計地養馬之法每壯馬一匹編地

五十畝壯馬一匹御地百畝正德二年御史王德建議
令大名等府於種兒馬中揀選四尺以上十歲以下者
解寺俵印其矮小老弱者听其賣價買價近年以來邊
方多事馬非臆壯不准即烙往市西馬以充額費乃
十倍民不堪命矣后回薊盜猖獗巡撫都御史韓楸諸
郡縣每畝征銀二分以為買馬征調之費此特一時額
引之征不意遂貽害於无窮也至今乃有餘地征銀之
例隆慶五年抚按疏請豁免會請州揚少傅為本兵覆
題奉旨免征遂得拔去數十年禍本云

兵備副使王一元大名府志後叙

叙曰自昔理人者具法憲令曷嘗不尊：民之故天下
之憲哉故當時則象狀易世則弗設其仁覆无穷至与
天地相敝者惟書也史是已而郡国志則史之分也非
郡国志則不能以成国史微史則无以存往照而善治
嗟乎其重矣夫大名者古之魏也以其矜常而河介
于山東西之間故常為天下樞至后分割則魏又為北
戶屹狀外捍故魏者重地也譬魏于全盛則人之寅也
列之則重于心其在偏安則背也拊之則托于吮故君
子而无天下之憲則已誠有之其所以徵古驗今保輔
員幅以鞏輿圖者胡可緩哉而其志願久弗沿非以其

重地難之耶頃歲茅子順甫來倅則嘗為之茅子文士
又憲事然莫之卒弗就去矣而再至又竟弗就遺其卓
且落蓋以之而值天中丞鄒公巡祭姜公董學馬公咸
鉅人孳：于民之故天下之憲願大名無能志之者而
潘子時 適以太史踵而至于是兩臺交檄余子受以
檄府而太守李子應乾者尤肫：家其官則相共委重
潘子微名文學夜以繼日蓋未半歲而書成其文恁今
史遷而脩春秋編年之法精確尔雅近所未見也其志
之良乎乃予尤有重于斯志者其孳：于民之故天下
之憲也蓋一篇之中三致意焉固昔言大名之地三割

矣縱三而橫一國聖王所以披強狀也然而形東讓制
則尊周者亦元以成矣輔之功然則交隣之誼犄角之
勢不可不誦也地近而分則雜五民奸彼此窟穴求盜
或不得是故其治橫為息繼次之不可不知也述沿革
者制也述紀年者政也蓋曰其所不可得而議者三制
也所得而曰革張設者官政也不可不思也帝后人
物之大也山川故跡之聚也是故先之而山川之言治
水尤詳嗟乎夫水為魏患久矣湮汨則有近功而多後
患寬為之道務以疏之則順於水而財誣非汜列嘉言
擇於長莫則不能以成醜沉滯灾之功是故詳之夫莫

土之於故跡蔑如矣然其流風宛然責民風於上之化
夫誰得而辭之惟土物受而元奇淫不近監者困之利
也故其志曰長厚務本蓋余讀至於賦役之志而有惑
於民之遭也當是時兩臺寬民歲以千萬計曰拊循之
不休志中時見烏兵日者秩祀且有考矣而予以書
生賊兵且再歲顧不能使弭盜得不訛願哉甚矣夫馬
政之敝也法使民多馬歲攻駒而入之園人乃今所入
非行字所字者類不中度徒取其文吏操以為奸至有
緩急率復他市是以民甚苦之而莫以為言者馬政重
也夫北方之民以地曠稅少為饒而不能富樂者賊以

馬也官大者即不賢不得以逃其名除其取小者非賢
也不得以名通是齊豹三叛之義也首舉其書而傳特
記其亡者罷而去者以事示定蓋其度矣天作志者其
有憂乎故志宵人而以僭偽同傳非以其類乎蓋春秋
之義扶陽折陰莫先於正邪而夷夏之防次之戎其办
之不早辨也於是乎微之獻焉微之文焉吁其備矣蓋
志有難者入為不詳則事不誤而米益詳之則无不簡
則要不舉而太簡則傷畧舉其大則見以為不動小物
忽羸豕弛重牛而細故毛舉則謂之不知類遠古之事
傳之則荒忽茫昧近于诬而不傳則羊去而禮亡文不

酌諸古則不雅醇而古則遠於俗而不適於用當世之
顯人善而傳之則有官威之嫌而置之則无以示至公
不善不諱則怨與而改枋頭則傷於直筆章而不微則
戾問身之防而微之則或不習其讀而无以鏡後故志
所以難者也斯志也酌繁簡兼小大綜今古存美刺不
猥不并不疵不劇常直書而見義則可謂曲暢微顯者
矣故曰其之良乎余茲有呂藉手而復於兩台矣况有
孽於民之故天下之憲者得呂致焉

大名縣志

衛河在治南三里許源發於河南衛輝府輝縣蘇門山

自淇門入本府濬縣界受淇湯諸水徑內黃與漳水合
東北至縣境大茨屯橫腰南界又東北注于龙王廟達
臨清下流與漳沱河合至直沽入海同儕漕運故一名
御河

漳河有二曰清漳曰濁漳清漳出山西太原府樂平縣
沙山濁漳出潞安府長子縣發鳩山至湘州鄆縣與清
漳合書曰衡漳蓋漳橫流也周定王五年河徙而東故
漳水不入河而自達於海國初漳西注魏縣北歷元城
西店東注山東館陶縣入衛正德初始徙府南閭家度
入衛又十餘年自雙井入衛嘉靖初自回隆鎮迤上三

里武家莊入衛後復自內黃田石村入衛萬曆戊子徙
魏縣旋由故道徙肥鄉成安曲周諸縣會達天津漢曰
大名惠此一方乎而今則改之艾家口艾家口距郡城
邑城去中一里去邑正半里地稍高元若本城南
漫則蠶邑城此必然之勢也狀如城地稍高元若本城南
地最窪下漳河之流亦每大發水勢洶湧於此領且
貝南一里余又有衛河亦每大發水勢洶湧於此領且
攻勢必元大名况河原非馭之使去今則西款引之
使來今日者以廣乎之害而遺之大名吳日者天將以
大名大害而移之廣中是法乎元已時矣
竊謂事之不必稿幸上之不必泥成也
支河在渠西塗公新開距城僅半里許累肆冲没知縣
趙一鶴請郡主翟公塞之

涑河者池國下墊凡所徑流卒教歲不能易故一曲涑

三才圖會 卷之 七七 北直四

具北迤開州成城滙趙村陂傅家河注岳儒固達館陶
或北注大名一由石村滌內黃縣東北迤大名大茂屯
迤馬集馬村東注或注南樂縣霸王海北張浦小支河
萬曆二十九年知縣江騰蛟會同南樂知縣即曰河身
小加挑浚水直東下今居民率佃治其間河身漸為平
陸矣按郡志云碓河十之三自飲牛口注衛十之七自
梅家口注衛每今徑流不大同始記於此
漳河堤隆慶五年知縣李本意築南接接底曰堤自老
堤頭止約五十餘里北接屯王廟舊堤自艾家口止約
二十餘里

華侯堤起縣西關堤北隅至回隆九十里嘉靖二十七
年築

甄侯堤起駢村新河口至內黃田石界約百里有奇嘉
靖三十四年築

金堤勢如岡嶺自東南入縣界漢書曰河決酸枣東漬
金堤則漢文帝時已有矣凡大名元城南樂清豐開州
東明清其之境皆有之縣亘二百餘里
牧堤在縣東十二里

清豐縣志

淇河

宋宇記云在頓丘北五里上接清豐其下入
觀城縣又載淇水石臨河廢縣東南五里黃河北

岸東往具累三十里入清豐具

繁泉 在臨河慶具土地十三州志云汭水在朔立西南三十里代流至淮繁水城西南渭之繁泉

復關堤 宋宇記云州臨河具復關石南黃河北阜其堤在南三百步自溪陽入清豐具界

金堤 在清豐南四十五里按地志治革云金堤上接清豐下入南樂具界又在注流慶城東南五里所謂

注清軍即田之頓立鎮也又漢書金堤古堰也成帝時王延壽連大以塞河快自金堤而增築之堤

上有金堤駟秦女徒金堤關

蒲潭營倉口營車網營郝村營俱在城西南四十里刘家營城西南五十里永樂年間以土塘又棘從土西潞州術軍人散處壑關屯糧曰志云國初屯地非止一方不徒為壑關之謀且有犬牙相制之意但軍民雜居

莫相鈐轄或寄買民業而賦役是逃或寓任奸民而勾攝是拒甚或屯官与軍為奸縱肆殺掠有司莫敢誰何設官又還難申達其害常有不可勝言者往時与道便宜設策通行各屯揅立鄉長編排人甲朔望亦赴有司呈遞執結兼听鈐轄非但可消郡邑小梗之虞亦可備万一不軌之變申明而遵守之誠善後之良猷也

王永壽治河議

議曰魏縣地平土疏去漳水發源不遠瀕河之田賴堤以稼而西南上游接安陽內黃每山西路安諸屯營東北勢下則与元城大名共處委滙故夏秋之交水患孔

棘論者憂之而未有以拯也蓋古之遂海洩陰皆以通水於川也遂縱海橫洩縱陰橫遂入海入洩入陰於注川而海必因水勢防必因地勢有用井疆之法如此自秦廢井田開阡陌而海涇之制大坏万世而下井田雖不可行而海涇之遺制則不可盡廢况今魏之境內漳河故通徑絡旁午於其間者宛然可尋故鄉里之名或曰某海或曰某口或曰斗門恐即前代海渠之遺也獨不可倣其遺制而分支流以殺水勢采又按境內平原曠野率有滲下或曰某陂或曰某滲或曰某灣或曰羅池者固多不能皆近河道每霖雨連朝則隨處陂


滲灣池通相灌注一望無際其患不減淹河俗名樂水則海渠之制尤不可以不誨也苟相其地勢其滲近河循之而下某陂連某陂某灣連某灣皆因其勢而利導之以屬於河則所謂堤灣陂堰者於天時无雨則由海以蓄水而田可施灌溉之功所謂陂灣池灣者于天時多雨則由海以洩水而地可无淹沒之患蓋下流既疏則水性順遂不但可以極民於旱澇而郡城亦且永保无虞矣

天下郡國利病書卷五終

天下郡國利病書卷六

永平府志

按元初定稅制獨永田以五升為其利也中統二年鑿沁河渠成溉田四百六十餘所此其水利之始三年詔給懷州新民耕牛二俾種水田此其水田之始至元七年以都水監司隸六司農頒農桑之制凡河渠之利委本處正官一員以時濬治或民力不足者提舉河渠官相其輕重官其濶之地高水不擁上者命造水車貧不能濟者官給其材木俟秋成驗使水家俾均輸其直田無水者鑿井、深不得水者聽種區田其有水者不必



區種近水又許鑿池養魚并鵝鴨之畜及種蒔蓮藕雞
頭菱芡蒲葦等以助衣食九年又詔諸路開復水利三
十七年薊州漁陽等處稻戶飢給糧三十日以東無開
馬時主雖急於勸課而丞相主其事漢人史天澤方有
事於啟土自此首撥皆其種未嘗知此為先務雖有姚
樞張文謙北平不能大行其說為至荅刺漢鑿稱海古
渠溉田少試於林和獲利及其卒而即廢不聞復議水
田矣

洪武六年四月雲龍鎮守北平言塞上諸關東自永平
薊州密雲西至五灰嶺外隘口通一百二十一處相去

約二千二百里其王平口至官山嶺口關隘有九約去
五百餘里俱頗擾衝要之地並宜設兵守之若紫荆關
及芦花山嶺尤為要路宜設千戶所守禦從之

洪武十五年九月丁卯北平都司言邊衛之設所以限
隔內外宜謹烽火建斥堠控守要害然後可警服強敵
撫輯編氓按所轄關隘曰一片石曰黃土嶺曰董家口
曰義院口曰箭幹嶺曰孤窰兒曰劉家口曰河流口曰
徐流口曰冷口曰界嶺口曰青山口曰乾澗兒曰桃林
口曰重略口曰石門子曰白道子曰白羊略曰石湖洞
曰五童港曰新關嶺曰水略曰中寨曰榆木嶺曰佛面

山曰栲栳山曰擦崖子曰城子嶺曰大峪曰青山曰遊
鄉口曰鉄門口曰大喜峰口曰小喜峰口曰團亭寨曰
潘家口曰常谷寨曰三臺山曰隘口寨曰龍井寨曰臭
麻谷曰力小寨曰胡兒嶺曰松陀兒曰松棚谷曰青山
大嶺曰木潭嶺曰分水嶺曰馬蹄谷曰洪山寨曰蔡家
谷曰秋科谷曰千家谷曰道海谷曰羅文谷曰猫兒谷
曰山寨谷曰小極角山曰大極角山曰會仙臺曰抄披
谷曰山口西寨曰片石谷曰冷嘴頭口曰指皮寨曰火
山寨曰龍池寨曰大安口曰井兒谷寨曰鮎魚石口曰
琵琶谷寨曰平山寨曰馬蘭谷曰寬佃谷曰南山頂寨

曰餓老婆頂寨曰滴水谷小寨曰北山頂曰滴水谷北
山等寨曰録山頂曰烽臺嶺寨曰古強谷曰恥瞎谷曰
鑽天嶺曰黃崖口曰小平安嶺曰大平安嶺曰三山寨
曰蚕椽谷曰青山嶺曰彰作里曰將軍石口曰喝山寨
曰黃松谷曰文家莊曰魚子山曰蕭家嶺曰熊兒嶺曰
沙兒嶺曰灰谷口曰灰嶺兒曰猪圈頭曰山嘴頭曰木
場谷曰灰塘谷曰墻子嶺曰磨刀谷曰許家谷曰蒼木
會曰小黃崖曰大黃崖曰石堂谷曰姜毛谷曰蘇家谷
曰大虫谷曰遙橋谷曰南谷曰燒香谷曰黑谷口曰烽
臺谷曰高樑子曰小水谷曰漢兒嶺曰城子山曰倒班

嶺曰把頭嶺崖曰師姑谷曰梧桐安曰齊頭崖曰柏嶺
安曰將軍臺曰盧家安曰司馬臺曰了髻山曰沙嶺兜
曰磚垛子曰龍王谷曰師婆谷曰古北口曰潮河寨曰
祚谷曰陡道谷曰蚕房谷曰陳家谷曰東駝骨曰西駝
骨曰白馬甸曰劉家嶺曰馮家谷曰營城嶺曰黃崖口
曰石塘嶺曰東石城曰西石城曰東水谷曰白道谷曰
牛盆谷曰小水谷曰水口谷曰河坊口曰神堂谷曰升
連口曰如兒嶺曰馱鞍嶺曰南治嶺口曰黃花鎮曰西
水谷曰寒園谷曰灰嶺口曰賢莊口曰錐谷口曰德勝
口曰虎谷口曰居庸關曰陽谷口曰蘓林口曰白羊口

曰柏谷口曰高崖口曰方艮口曰常谷口曰長城嶺曰
沿河口曰石卷口曰小龍門口曰天井關曰東龍關曰
天橋關曰天門關曰洪水口曰西龍門曰段口曰石峩
口曰蘭房口曰鹿角口曰南門口曰馬水口曰道水口
曰石塘口曰金水口凡二百處宜以各衛板卒戍守其
地詔從之

弘治十三年巡撫洪鍾修邊自十一年巡撫張淮躬督
叅將白琮指揮雜網推官周瑄率軍民於大茅山捫蘿
躡險竭力未就淮卒於邊鍾代之次年修邊城二十四
十八丈銀一兩酬士卒勞是年春檄琮同叅將高瑛

瑄及同知邵達以二萬人自山海關迤西至李家谷止
延袤三百餘里修二萬八千一百七丈於要害處立寨
堡次年志之具高廣丈尺營凡十六內長峪駐標曰黃
土嶺曰石門寨曰附馬寨曰平山曰臺頭曰界嶺駐標
曰燕河曰桃林曰劉家曰徐流曰建昌曰五重安曰太
平寨曰青山曰青山駐標其徐流其深陽其赤洋海口
其新橋海口其牛頭崖五營丈尺不具關且者六曰一
片石曰界嶺口曰劉家口曰冷口曰董家口曰李家口
其居城無丈尺及旧城曰山海關曰徐流口關曰河流
口關曰石門子關曰星子谷關曰白道子關曰小桑峪

關曰白羊谷關曰葦子谷關曰五重安關曰花場谷關
曰新開嶺關曰蔡崖子關曰義院口關曰大嶺關曰長
谷口關曰平頂谷關曰榆木嶺關曰水門寺關曰城子
谷關曰大毛山關曰小毛山關曰寺兒谷關曰小道關
曰小河口關曰角山關曰北水關曰大青山關曰旱門
關曰南海口關曰西陽口關曰南水關凡三十二云俱
舊設有城若箭桿嶺關若無名口關若黃土嶺關若爛
柴溝關若拿子谷關若城子嶺關若廟山口關若大安
口關若羅漢洞關若火燒城寨若孤窰兒寨凡十二田
有関死城鍾城之又立灰窰谷寨橫山寨沙嶺寨三城

皆無丈尺也嗟夫山海大衛不志於城地大関不知于
丈尺所且者今皆不同故不述之其大小喜峰口関至
漢莊三屯等營皆不利者不知其為境內地而安之於
隣縣也第述時新舊如此

隆慶三年二月丙子兵部尚書霍冀奏總理練兵戚繼
光條陳咨總督撫按會議合練是否議云太公對武王
曰車者軍之羽翼也所以陷堅陣要强敵遮走北也騎
者軍之伺候也所以殪敗軍絕粮道擊便寇也故車騎
不敵又曰易戰之法一車當步卒八十人八十人當一
車一騎當步卒八人八人當一騎一車當十騎十騎當

一車險戰之法一車當步卒四十人四十人當一車一
騎當步卒四人四人當一騎一車當六騎六騎一車
由此觀之則今日車騎合練之法即太公復起不能易
矣且所謂險地易地在薊昌皆有之今計二鎮間可練
兵車七營每營用重車一百五十六兩輕車二百三十
六兩步兵四千騎兵三千駕輕車馬二百五十六匹以
東路副總兵一營合巡撫標下一營住之石匣密雲以
西路副總兵一營合總督標下一營住之建昌遵化以
薊鎮總兵二營住之三屯昌平總兵一營住之昌平是
十路二千里之間有七營車騎相兼轉戰之衆即有數

萬敵無能為矣或者疑于敵騎迅疾車步遲不相及臣
等為之解日用兵之法有分有合兵車七營豈皆聚馬
一處必以一車合戰而又以一半出奇或處其前或縛
其後或出其左或掩其右有追奔有迎擊有扼塞有邀
截追奔邀截及險地用騎與輕車扼塞用重車迎擊及
易地則輕重車騎相合敵之所將者馬也而我有車以
制其馬敵之所習者射也然遠不能六十步而我之火
器火箭皆可遠二三百步之外且有車以為之營衛我
得以展其所長是技又不相若矣此車騎合練堪用者
一也行則為陣止則為營以車為正以騎為奇進可以

戰退可以守人无批壕叠擊之勞馬有從容飲秣之便

此車騎合練堪

用者

二也車不用食步不用馬以車蔽步

又半不用甲省費甚鉅此車騎合練堪用者三也前此
敵入內地如陷無人之境四散剽掠遍地皆敵莫之誰
何今有兵車與戰敵既不敢分掠又不敢久持僅自
保取道以遁此車騎合練堪用者四也薊昌地方險阻
車利扼塞邀截使敵大失利當有終身之創此車騎合
練堪用者五也臣等又以奕喻駐則布車四隅將卒馬
砲俱處其中明以車為衛也行則馬步各有止節唯車
則縱橫遠近所向無前明其不可當也砲則隔子取子

明無物可障也此車与火器相需為用又可互見矣臣
等又以字說戰字以車陣字从車軍字从車大軍所駐
名其門為轅門轅字从車騎字从馬以奇可見古人以
車為正戰以馬出奇所從來遠矣不獨太公之說為然
今都督戚繼光議以車騎今練臣等援古証今寔以為
得制敵之長策部覆從之建昌自此設車營矣其條陳
有七策六失四弊云臣嘗見射者硬弓勁矢射疏及遠
倏令射近則云習遠而不能近彼弓矢由人尚如此今
邊牆依山勢崎嶇有斜坡百十丈者有平低數丈者
所恃全在火器火器力大奪手又非弓矢由人之物處

高臨下又非教場平坦之地若不平日演試識其高下
臨敵一發不中再發不中賊已至墻下火器為無用矣
臣行邊每查庫貯一區之內多至十餘萬少亦不下數
萬悉皆掩臥塵土間之將領則云俟報警方給問之軍
曰臨警隨給汝能用乎皆謝曰不能節歲費數十萬金
置造軍器萬發邊以有用之物置無用之地誠竭江
河以寔漏卮耳此不練之失也今之所懼敵者僅火器
火器之中唯邊銃快鎗彼鎗銃之腹原造未嘗鑽扭粗
細不一以致鉛子出口不直口大子小銃腹有隙以致
火氣先失子六者啣於銃口一激落地矣且一手點火

一手執銃手執銃後子出銃動依者入土高高者穿雲
賊少犯則命中不能賊環至則銃稀無措由是雖具火
器不能退賊次唯弓矢夫弓矢之力不強於賊則與賊
共且堅甲兇鏊非矢能貫此雖練無益之弊也

永平道葉夢熊戰車議

兵家有勝筭之策有制勝之器今之言禦敵者非不備
矣然或各得其一端而其策其器多散漫而不嘗試反
不及敵之精專敵所恃唯騎射自少而壯止一藝耳千
人萬人亦止一藝耳故箭不虛發騎進逐如飛飄風疾
雨傾刻疎濶勢不可當此其所長也中國豈獨無所長

哉火器也輕車也挨牌也此吾之所長也敵弓雖強必
近發而不能遠及矢雖如雨可以善避唯火器一發避
之無措一銃可殲千人十銃可殲萬人加之萬銃齊發
雷震山裂絡繹響應即敵騎百萬亦无不挽亂矣古人
以車戰後人失其意僅用以守戰車宜可輕使馳逐守
車大重僅可備營壘轉輸耳成化間工部及大同所製
用十八人推挽即今薊鎮偏箱亦用十六人後要改衝
鋒車亦非千人不能運皆安營輜重之具非戰具也今
製雙輪稍前遮板退後著地如飛平地二人可推過險
四人可舉上列鎗刀行時摺整戰時向前火器從中而

發隨敵所注而逐彼止則我進彼進則我止人過之披靡馬望之辟易可戰可守萬全之計也挨牌中用薄板內外皆竹片藤編密釘試以硬弓十步內射之不能入萬歷三年本職任贛州時曾用以破黃鄉寇三萬彼長鎗硬弩飛鏢俱無所施今以直抵敵箭一齊挨前用砍馬刀與長短器相夾翌車而衝然後騎兵隨之是兵法所謂馬步車混為一法敵安吾車果何出騎果何來徒果何從潛九地而動九天者也蓋戰勝之器我中國所長也然惟專而後精惟精而後長欲其精專非練不可欲練非選鋒不可兵不選鋒曰北蓋貴精也秦漢擊胡

常用兵三十萬往不利然出塞千八百里窮極其地勢不得不用衆如我成祖北征亦用至三十萬是也若敵入犯與之對敵則可以計敗如岳飛以五百人破十萬劉錡以千人破十三萬我太祖用中山開平岐陽兵分道驅逐胡元皆以精銳襲擊所向無敵此用寡之效也夫敵之擁衆而來也徒以驚悍自驕蜂團鳥噪奔掠無紀若能設伏出奇一大創之如鳥之傷也可以空弦下矣故出奇之兵必練必選鋒密雲遵化三屯俱有標兵海標選一千西協四路選五千中協四路五千東協四路五千以二人之食一人以二馬之食一馬

南兵三營每營選一千又責成總兵選家丁五百副參遊以下或二百或一百汰遊食冗員虛糧冗役積其餘以陰蓄死士則兵馬不必加也錢糧不必增也於常額之中而得轉弱為強之術蓋今日制敵之勝筭也戰車每兩車正一名挨牌六名長鎗二名鈎鐮二名佛郎机手二名百子銃手三名兼火箭三層推車夫二名馬八匹馬上各稍百子銃一把騾一頭馱滅敵砲一函百子銃十把共計步兵十七名馬兵八名以二十五人為一隊十隊為一司十司為一部十部為一軍分為三營合為一大營勢小則分擊勢大則合擊處有節制之兵

人、有敢戰之氣此薊門之命脉京畿之神靈忠義之臣所宜剜胸裂背而圖者也夫天下之禍莫大於不見其形而有其寔今之敵形与寔大勢可觀矣敵未嘗一日忘中國則中國亦不宜晏然無事而坐待其變也自貢夷撫賞修工之外宜問兵其半菽不飽者能戰否宜問馬其羸弱不堪者能馳否宜問火器其棄置已久者能習否宜問將其繁文縟節以急阿奉憂謀畏訖以希苟延一旦有急果可以當敵否夫人方以歸義款誠為賀而無故發深憂過計之談昔遭譴斥今復不戒將至于三刑而後已也誠不自知其狂悖惟臺下計安社稷

熟思而銳圖之幸甚

神銃議

塞上火器之大者莫過于大將軍薊鎮一年止放一次以其勢大人莫啓放也銃身一百五十觔以一千觔銅母裝發如佛朗机樣職熟思之改銃身為二百五十觔其長三倍之得六尺不用銅母徑滾置車上發之可及八百弓內大鉛彈七觔為公彈次者三觔為子彈又次者一觔為孫彈三錢二錢者二百為群孫彈名之曰公領孫尚以鉄磁片用攻猫毒葯煮過者佐之共重二十觔此一發勢如霹靂可傷數百人馬若沿邊以子萬年

而習熟之處、皆置人、能放則所向無敵真火器絕技也初疑其重今運以車登高涉遠夷險皆宜職製成每日幾次試之見者莫不胆寒夫我祖宗出塞常恃神銃為破敵先鋒天順六年造兵車一千二百二十兩各有載大銅銃車成化元年造各樣大將軍三百箇載砲車五百兩大約與職意合蓋善用中國之所長以制敵此上策也觀大明會典神鎗神銃俱內府兵仗局管其慎重如此知祖宗之所以逐元兵則知今日之所以為戰守矣

具製輕車以備戰守文

夫車戰古今詳言之矣用之皆有成效歷々可攷間亦有稱不便者謂重滯窒碍難行也不必遠引即丘文莊李文達端肅許襄敏每能言之而未身試成化年間工部造之名為小車而每一輛披之用十八人宣大進之用十八蘭鎮見存曰偏箱曰飛車非十五人不能駕竟未得古人良法美意自古謂之馳車謂之輕車突騎謂之興兵十萬用輕車二千皆越險數千里而轉戰者也安得以重滯為病哉本職以意造之雙輪面前遮板稍後上列刀鎗六把佛郎机二函火箭三層近今新製手上百子銃二函輪輕著地若有自行之勢假二人推

之如飛翼以新製鉄拒馬竹挨牌砍馬刀馬見驚恐奔潰不敢回顧平地二人可推遇險四人可舉共可遮蔽二十五人為一隊馬五匹稍倣古法合一萬人而為一軍見在各營舊車存之以備挽運其軍之壯健者以駕輕車其竹挨牌与百子銃鉄拒馬須用南兵方可敏捷每車一兩并銃砲器具價銀五兩夾造之如法不惜其費練之如法必極其精本職願以三年之功得精兵一萬少効制敵安邊之策緣係軍營更改錢糧重務伏乞臺下裁議具題決意而早圖之則宗社幸甚軍門撫按稱善其製每一車用馬步二十五人馬一隊十隊馬可

有左司右司統以百總二名十司為一部有左部右部
統以把總二名千總一員十部為一大營有左營右營
統以將官二名計一大營共用馬軍八千人步軍一萬
七千人共二萬五千人全勢也惟薊兵既有定額而各
營路之軍更多寡不同况各分信守湊合為難則居常
訓練欲必成全營寔於事勢未能也惟今因地用兵用
車各從本營本路兵之多寡便宜各在本地相為訓練
不必盈此虛彼不必合遠湊近也緣此車可用馳一車
之兵步馬相兼多少可為戰禦進則為陣止則為壘無
俟必成一營而後可用但計有一車而用兵二十五人

有二十五人即用一車則在、俱有兵車分練為小營
合練為大營猝有警急審量机宜勢小則相近一二路
分擊之勢大則調集諸路合擊之何練之不効敵之不
克耶及查計東協見在之兵建昌營可用車一百二十
輛燕河路可用車六十輛臺頭路可用車八十輛石門
路可用車一百輛山海路可用車四十輛共計應造車
四百輛用兵一萬人平時有步兵不足馬兵有餘者亦
就而用之有警主兵不足客兵有餘者亦就而用之唯
每車合二十五人不必拘定馬步主客之數要在用之
得宜耳本道每月新歷各營路往來督練俟稍覺精熟

再合練於建昌臺頭適中之地則分合通變成効漸可
賭也至於總把等官即就各營路見設馬步各員內選
用責成其兵車之數雖多寡不一而營制之體則大小
通融此車器兵馬大槩如此

議添滅寇滾車

查得舊車有騾駝滅寇砲安營拒敵臨時方入菓極上
安炮高下無法退坐丈餘緩急無恃今議製滾車上載
滅寇炮三丞高下安置有法試之砲發而車不動以三
人拽之每戰車二輛即帶滾車一輛勢甚輕便似為火
器長枝炮用營路見在者車料顏料匠役鹽菜計該二

百輛共該銀二百八十兩似應併前輕車議請造用度
兵車器用全備禦敵利便 巡撫蹇達議薊鎮有險可
恃故以守為上先此奉有朝議以匹馬不入為功然非
不用戰也今見東協當薊遼之界羽檄時馳則敵情視
西中二路為急牆臺踈薄舊車无多則邊備當北西中
二路加嚴今東路臺牆之工必需歲月則今之輕車委
應亟造今准咨議以錢糧則取於庫貯堪動及漢莊裁
減民兵銀兩既不煩請計以製造則先急東協而責練
於西中輕重並施新舊互用又不至于偏廢誠切中機
宜无容別議該道苦心籌畫以圖戰守大裨邊務當与

邊工一併議題用成永計 軍門王一鶚題稱永平兵
備道葉夢熊議造輕車四百輛及大砲滾車二百輛臣
等躬親試驗委果便利有裨邊防且邊卒工不可完此
項尤應亟舉已遵奉便宜事理往返查議審酌調停并
計處錢糧行令該道動支永平遵化各庫貯堪動年例
料價与支剩浮費及省積民兵等銀九千四百三十餘
兩該道選官造完臣等再行查覆如果工作精堅錢糧
並無冒破一體題請優叙以為邊臣任事之勸庶事有
責成人心愈奮其於戢守大計各有攸賴矣 制可兵
道練習遂以半合營禦敵以半分路今南兵遊擊龔子

敬查酌沿邊極衝設之選膽勇百總一名專管裝放其
砲房二面開門兩旁可擊乘牆之敵向外可擊馳突之
首初設桃林口時適長昂子伯魂領鉄騎千百餘狹弓
躍馬橫索賞物撫諭之不馴門守備張旆即示以大砲
盡殲群醜甚易不信號笛一發砲聲雷震群子飛出北
山角轟然而崩石飛旋空中若星隕衆寇胆落俛首叩
地稽顙嚙指驚痴半晌方甦遂警服領賞亟去此絕技
神異之明驗也其操練有圖曰車馬步擺列起操曰長
營衝戰曰變方營出馬衝戰曰方營四面攻打曰戰畢
收營及各號令具載又曰五花每一營合車八十輛共

四百輛曰協路合營方圖每一面用車一百兩共四百
輛及八陣圖刻布變通在人不足

永道車製木料尺寸

輕車式

轅條二根長九尺二寸濶二寸五分厚二寸五分前
轆頭一根長三尺三寸濶一寸六分厚一寸三分前
遮牌一扇高四尺六寸濶四尺五寸板厚六分立柱
二根長四尺六寸上橫檔長五尺一寸下橫檔長
四尺五寸門二扇高四尺六寸濶二尺二寸五分板
厚六分撐棍一根長三尺橫耳二根長一寸五分

濶一寸五分厚二寸推手木二根長五尺二寸方耳
一寸八分車箱橫檔二根長二尺六寸厚六分車
匣一個長二尺四寸高二尺二寸車耳二箇長二尺
四寸濶四寸厚一寸五分車輪兩面逢過三尺八寸
車網十四塊厚一寸八分濶四寸輻條二十八根長
一尺九寸厚一寸三分一車頭二個徑過八寸長八寸
火箭匣一個長四尺五寸濶一尺高七分即机架
木二根長三尺濶二寸五分厚一寸五分橫檔二根
長四尺四寸濶二寸五分厚二寸二分上拒馬橫檔
一根長四尺二寸鎗桿三根長三尺七寸下拒馬

橫擋長五尺二寸 鎗桿四根長三尺

大神銃滾車式

轅條二根長九尺濶六寸厚四寸 橫擋五根長二尺四寸濶六寸厚五寸 立柱四根長七寸濶二寸五分厚二寸 蓋板一片長四尺六寸濶一尺八寸 撐棍二根長五尺 拒馬鎗桿二根長三尺五寸 前車輪二個徑過三尺二寸 車網十九塊厚二寸五分 輻條二十八根長一尺六寸 後車輪一個徑過一尺五分 車網八塊厚一寸八分 輻條十根長八寸 前車頭二個長一尺徑過一尺 後車頭一個長六寸徑

過六寸 車耳二個長一尺八寸濶四寸厚一寸五分

滅寇砲車式

轅條二根長七尺三寸濶三寸五分厚二寸五分 橫擋七根長二尺三寸濶三寸五分厚二寸五分 前車輪二個徑過二尺六寸 車網十七塊厚一寸五分 輻條三十四根長一尺三寸 後車輪一個徑過一尺五寸 車網十二塊厚一寸八分 輻條十根長八寸 前車頭三個徑過七寸長七寸 後車頭一個徑過六寸長六寸 車耳二箇長一尺濶四寸厚一寸五分 車匣一個長一尺八寸濶七寸高六寸

永道車器

內上外下 車上 郎机二架 子銃十八門 鎗六條 雁翎刀一把 鉛子一百八十個 火藥一百八十袋計九斤 火箭十五枝 火繩十條 藥線盒二個 藥線二百條 車下 竹挨牌六面 砍馬刀六把 百子銃二門 火箭二百枝 大旗一面 長鎗鈎鐮腰刀金鼓旗幟俱于各營路隨宜就用皆護車兵執具

永平府志

一片石關

在府治東北一百八十里左右皆峻山。下有石城。邊有關新砌以磚券門三空。周圍

三十丈九尺關口新建城一座

界嶺口關

在府治東北一百二十里右左山上。旧有磚城二座。山下有石城。邊有關新砌以磚券

門二空。周圍一十二丈三尺高四丈一尺

劉家口關

在府治北六十里。旧置城山上。小旁有關。以碎石堆砌新砌以磚周圍一十二丈高二

丈七尺

冷口關

在府治北八十里。山上。旧有磚城。山下有關。石基磚城券門二空。周圍二十丈。高二丈五尺。

董家口關

在府治西北一百八十里。關旁皆大山。旧以石砌之。新砌以磚券門三。周圍三十六丈。高

三丈九尺。關口新建城一座

李家峪關

在府治西北二百里。關旁俱大山。旧以石砌之。新修西寨。磚砌券門二空。長六十一丈。五

尺高。二丈五尺

三十六 石 卷六 十六

山海關 徐流口關 石門子關 河流口關 星

峪關 白道子關 山桑峪關 白羊峪關 葦子峪

關 五重安關 花場峪關 新開冬開 擦崖子關

羨院口關 火嶺口關 長峪口關 平頂峪關

榆木嶺關 水門寺關 城子峪關 大毛山關 寺

兒峪關 小毛山關 三道關 小河口關 角山關

北水關 大青山關 旱門關 南海口關 南水

關 以上俱設有城 箭杆嶺關 爛柴溝關 拿子峪關 城子

嶺關 西陽口關 廟山口關 无名口關 黃土峯

關 大安口關 羅漢洞關 火燒城砦 抓窰兒砦

關 灰窰峪砦 橫山砦 重峪口關 以上旧俱有關无城弘治十三年心

抚都御史洪鍾檄泰將高瑛 沙嶺寨 以上三砦原无弘治十三年心抚都

御史洪鍾檄泰將白琮朔立砦 佳环砦 石城添設官軍備守

長峪口駐搽營 石城在府城北一百六十里周回二里高一丈五尺券門堅樓于上以望烽火

黃土嶺營 石城在府城東北一百六十步

石門砦營 石城在府城東北一百四十里周回二里高一丈八尺

駙馬寨營 石城在府城東北一百一十里周回二里高二丈

平山營 在府城北一百八十里以石為基成化三年心

营周回三里高三丈

臺頭營 石城在府城東北一百一十里周回二里高二丈

三十六 石 卷六 十六

界嶺駐柵營 石城在府城東北一百二十里周回二里高二丈

河營 石城在府城北五十里周回二里高二丈

桃林營 石城在府城北五十里周回二里高二丈

劉家營 石城在府城北四十里周回二里高二丈

徐流營 石城在府城北四十里周回二里高二丈

建昌營 磚城在府城北八十里宣德中鎮守太監劉通築土為城正統中少監郁永陶磚色砌高二丈

列東西南三門豎樓于上以望烽火弘治十一年太監張忭以旧城狹隘用裴家窩官地易換鄰城軍民畢富

等地二頃余起蓋營房千余間以居軍士

五重安營 石城在府城北一百八十里周回二里高二丈五尺

太平砦營 石城在府城北一百二十里周回二里高二丈五尺

青山營 石城在府城西北一百三十里周回二里高二丈

青山駐柵營 石城在府城西北一百五十里周回二里高二丈

灤陽營 在迺安縣北一百六十里原灤陽縣今廢為營

赤洋海口營 在府城東南一百里以下三營俱在海邊時有倭夷出沒每營設官軍五十一員名

以備之

新橋海口營 在府城南一百八十里

牛頭崖營 在府城東南一百余里

灤州志

清河距州東南十二里南開 乱泉突起一泓西南行

一百三十里至樂亭縣西南馬頭營達于綠洋海入于

海一派西南十六里經破橋又西南九里至沙海又南
六里至澤頭又西南三十五里至公安橋又西南四十
里至蚕沙口入于海此秦漢以來漕運故道閘迹尚在
洪武八年浚漕于蚕沙口仍于新橋海口築城置干
戶所監守閘渚遠近多賴焉永樂十八年運艘遭風議
革之矣嘗考漕運自三岔河有三道其一由天津經白
河至通州其一由娘宮經糧河至薊州其一由芦台
徑黑洋河蚕沙口至灤河是灤之漕運三岔河之東道
也

灤河在州東三里發源于廣山亂泉噴湧合流東一百
二十里至宣府又東北二百一十里至雲州堡又東北
三百六十里至桓州又自桓州過口北又自北而南至
上都開平所東流七百里至灤陽營又一百六十里至
遷安縣又東南六十里至芦龍縣西南合流于漆水又
南四十五里至灤州又南五十里至岳婆港夾樂亭縣
東為葫芦河西為波流河至縣南合流六十里至馬頭
營又二十里為綠洋海入于海

橫河在州北七里發源自芦具尤独自山南流入于橫
山營東遠色皮浚經榆山至劉家庄入于灤河
沙河在州西四十里發源迂安縣西南州東子屯南流

入宜安社迤邐而南至北柳河社達于海

龍溪河在州南八里發源五子山東五里有大泉騰沸
流入八里河經料馬台東南丘官營伏入地中俗名地
橋又東南二里經閭家庄溪見為尤溪入于南開頭即
青河之源

大沂河在州西八十里發源芦尤縣馬家庄經栗園折
南經三岔院折西轉佛住山南經楊家院東南經芹菜
山東南經波落橋又東南經御駕橋又南經于家泊又
東南入青河

小沂河在州城西十二里發源烽火山東港經拐頭小

過双山入大沂河達于青河

清水河在州正南二十八里尤堂寺側源頭極清入海
一十里不涸俗呼曰清水經風亭屯連青社及三岔股
左頭營入新橋海口達于海

館水即牯牛河發源近安縣館山南經偏山又西南經
黃花港入牯牛橋河西經双橋入于陵河

双橋在州城西八十五里一自松梁社泉河頭西南經
峰山下入陵河一自豐潤具板橋河東南入陵河經石
城西又南經唐山橋名大河又南經王明庄名小河与
帥家河合入官渠

石湍河在州城西六十里發源水峪西南徑孩兒屯官
套至石城東五里是為帥家河至套里在獅子灣南徑
康家庄聶家庄王盼左名小河西南徑金濟馬家港大
夫坨入官渠西南徑豐潤具晉宮左入于海
套沙口河在州城南一百二十里大津之別南入于海
撫寧縣志

牛頭崖在且東三十里形似牛頭即牛頭崖營也先年
曾有倭夷淳海至此故設官軍防守
玉旺峪在縣東北九十里嘉靖三十六年間有礦銀沒
地勇出事聞差中貴錦衣按抚道府採煎作課冠蓋旁

午勞費凡二年鑛竭乃罷

獅子河在縣東南三十里

張果老河在縣東五十里

樂亭縣志

新河套在縣西南三十五里夾于清涼之間疑即水經
新河故瀆

東灤河在縣東二十里旧有涇流河東為葫芦河轉迤
而南即今之軋灤河景泰中東流游塞徑自涇流河而
南入海

西清河在縣西三十五里發源州南之煖泉潤僅二丈

許旣挺抵新橋海口

灤州志

灤之域界前代分割靡恒莫之能詳也遼史云石城縣在灤州南八十里馬城縣在灤州西南四十里通典云北平郡西南到馬城縣一百八十里西北到石城縣一百四十里武徑總要云灤西至石城九十里南至海一百一十里北至平州四十里松漠紀聞云平州七十里至七个嶺即七家嶺又四十里至榛子店又一百二十里至玉田縣又七十里至薊州夫石城高城七个嶺榛子店皆灤地前代可考者類如是而已

灤志

按灤水前者無名禹貢夾石碣石入于河註云遼濡滹易中高不與河通遼史云黃洛水北出盧龍山南流入于濡水五音集韻云濡水名一作渙在遼西肥如海陽又云濡奴官及顏師古亦曰濡乃官及蓋音灤也今水名府灤而无濡且渙灤字相類豈右或通用耶按易州有濡水濡音茹非海陽濡水也昔秦政滅燕置右北平石城蓋今治之西南境也遼西海陽蓋今治之東境也王莽改北平為北順省石城入土垠東漢復右北平石城仍上垠而海陽為遼西未改也北齊省遼西海陽入肥如隋開皇省肥如入新昌未


幾改名盧龍唐武德始置臨渝貞觀後置石城開元又
置馬城遼天贊折盧龍山南地置溧州領義豐馬城石
城三縣遼史謂義豐本黃洛舊城馬城本盧龍地在漢
俱屬遼西石城屬漢之右北平通典云溧治本黃洛舊
城義豐倚焉總要云溧西九十里至石城今開平西距
溧治九十里其為石城池明矣是義豐石城本兩地也
今開平既為石城地而城碑里制俱稱義豐治未可曉
順天府豐潤縣蓋古土垠地溧之石城東漢未曾省入
焉今豐潤十里有舖尚名垠城是也永平府志云土垠
在府城西南漢置縣屬右北平豈謂石城地耶

春秋之山戎在黃帝為葷粥夏曰淳維殷曰鬼方同為
獫狁漢曰匈奴齊桓公越燕以伐山戎次孤竹還杜預
云山戎北狄胡安國云桓不勝德勞中國而事外夷爭
不毛之地又按唐李德裕幽州記聖公碑云北狄之裔
或曰獫狁或曰山戎是山戎之非燕地彰彰也今旧志
云溧在春秋時為山戎國通典亦云溧為山戎肥子二
國地誤矣

遼史及舊志皆以溧為漢末公孫度所據綱目書以公
孫度為遼東太守史譜云度玄菟人初平初為遼東太
守自立為遼東侯傳子康及孫淵按漢獻帝建安九年


曹操表封度為永寧侯度曰我王遼東何永寧為是度與遼西右北平無與也改度之別傳自稱平州牧東夷九種皆服事焉豈以漢之平州為隋唐以后之平州而誤耶蓋漢之平州在遼東玄菟樂浪等地隋唐之平州乃盧龍石城馬城晉漢所謂右北平遼西地今之永平是也漢靈帝中平六年劉虞由公孫瓚屯兵右北平瓚殺虞盡有幽州是遼西右北平入於瓚矣瓚死于獻帝建安二年豈度與瓚同時而誤耶

海防總圖



前保二鎮為京折重地山東稱右輔遼東稱左臂大海實盤旋其間蓋海自准南北折跨登萊西放天津從而亦連連至永平之泉亭二漸北至遼東之三盆河又轉而南是大洋海蓋復金之間迴視海及在其西南倭擬朝鮮似居海之上流我推倭于朝鮮所謂扼其上流而前保小遼可與虞也經理圖說詳見于後

高糜河至清河入里清河之東二十里為薤菜溝河又東十里為國字河一名曰旋風局穩之死如清河口極冲者闊二十五丈深七尺長一十五里可泊船數百隻永樂年中設菜橋營于此有坐營官一員軍士一百名馬六匹謂為安地頃故駐南兵攻擊乘募之兵于園各在焉今冰凍化輜重官軍一千七百三十一員名上下千四三洵防守其冰地高之水



村落縣延轅密相開塢犬
 不抱掠而取之最可虞耳
 八里為夾河淮而水村遠
 惟次冲地名湖陷舟賊款
 登岸必不舍深河之近而
 趨此今水建昌東營宜軍
 九百七十二頁名一崗防
 守河近涼州攻舟以取名
 州與樂寧界莊前之高
 涼河向而此視樂亭若迂
 者州具海口相接皆直出
 在東南而其治城則依而
 北耳


卷六 二十八



深河口其水源自濤家口
 桃林口通水通承平府南
 至席豆右合流西徑深州
 樂亭川南入海口流口湖
 四十丈深一丈五尺湖上
 則深二丈勢極胸勇奔冲
 可泊舟于余艘以者謂可
 通海運以濟也儲其兩岸

而有孤峙之勢四坨如西
 月地如月則象貝形方

洪武三年符下山東行省募水工于萊州洋海倉運糧
 以餉永平衛八年穎川侯傅友德疏陳轉輸之法由鴉
 洪橋至永平道里頗遠宜通沿河漕運則用
 力少而成功多上嘉其言
 嘉靖三十七年巡視郎中唐順之疏漕河自永平可通
 灤陽營省陸運一百五十里
 隆慶元年巡撫耿隨卿議復巡按鮑承陰併勘挑挖
 清河自王家閘至新橋海口止凡百四十里乃漕河故
 道漕河海口至天津衛四百二十六里紀各莊通海
 潮處至府西門一百石十四里沙淺一十八里半又



小清河者以近出灤河若
 其支派馬十七里為胡林
 河就胡林左若之世野豬
 河倍呼曰野豬味在天東
 派長港上河四十里水勢
 湍漫時、實土有似楮之
 狀再天波而不可銀岸
 又樂豐縣曰黎縣分界處
 不可謂極冲亦不可謂後
 冲永樂中倭由此入直抵
 樂亭我我官吏屠戮我
 人民前鑑非遠也今派河
 南東營官軍三十員名著
 石石胡林河岸亦可防三

勘自天津衛至新橋海口鹽船往來民舡亦通行无滯
海洋百二十里中流遇風有建河糧河新挑大沽小沽
可避其船撐駕必須灤州樂亭昌黎附海捕魚裝載慣
習海道人民酌量八丁身家坐派大舡八名小舡三名
右領官舡糧令其駕運糧完仍聽其捕魚如年久損壞
動支官銀酌量修補則改灤河省使無容別議但中間
倒載之所未免閘隔如海口卸至犯各莊約有二里灤
河卸至永豐倉里亦如之船運脚價臨期聽管糧郎中
處給其該鎮歲用本色軍糧數多運道既通則前項糧
石應該戶部酌派漕運然山海離灤僅二百里私越易
便則海防又不可不謹合令府清軍同知兼管海防仍
聽兵道督率巡視及山海主事督巡捕把截違禁如律
部覆從之

知府孫維城議

本府躬視灤河迤東二十里馬城堡西為王家閘其
閘相距十里原係海運入灤故道閘迹尚存
原運皆由口北上三家閘今馬頭營即田園倉處
李家莊西民田約數十餘里過即王塚坨河灤河漲入
青不能容必從李家莊西瀉遂下注之
自樊各庄起凡四十餘里至楊家庄南有沙蛇長一里

高河五尺若穿之即艾家青海東西長七里其地名无
錢糧可浚為河過即梁各莊而靳家河流經焉

河名交流者由海潮而成故微有五里淤淺外則大潮
所至橫斜行七十餘里入黑洋海口又三十里則達河
海口又四十里則堂見上海口又四十里則大沽海口
出口入通州運糧白河百餘里則天津衛矣自此道一
通不過三百餘里舟行可徑天津抵滌比西由芦臺河
其道豈但倍近且惟黑洋口至大沽百十里由海隨盜
舡出入當保无他虞比由祿洋海口造灣其遠近夷險
安危亦不啻十百相懸中間應挑之處計大費工力者

不過交流河按靳家河五里黃池抵艾家青海十二里
李家莊抵樊各莊十里暖泉抵南關頭八里与夫王家
地河之經楊家庄即步店狗兒村賈各庄土淤高厚者
十二三里耳其餘或止應推深五六尺七八尺濶五六
步七八步者約以河五丈計之論工大小折半通築濶
三丈深一丈者不通百三十餘里此工固不甚多也
况下因川澤不損民居妨田不及五頃其價不貲百金
驗河所徑惟李家莊西有沙三里楊家庄南有沙一里
其餘俱土脉膠固無憂其善崩河之所自若暖泉若沂
河若陷河若靳家河俱水性如常可弗若其交遷則語

有利无害又孰以踰于此唯王家開一處議者每言挑
接滦河雖便通舟然滦河西下平岸一丈八尺焉能使
之遂流而上入清河哉且滦暴湍常帶沙石漲則開不
能制退必遺沙填積將來歲挑繁費恐及為青梗莫若
挑責至馬城本堡方議修壕以壕土築城而借壕為河
使可容數十舟南來運艘俱住此為雖隔滦尚五六里
道不甚多且平坦使車至滦易舟而運則青不受沙石
擾而挑夫可省歲費似于計兩全也

遼東海運常若頓舟若永平運通則由府城而東至山
海或舟車至遼東皆免風濤之險其士餉尚亦有賴是
所謂無穷利也然而不為者不過惜財力耳蓋浚河非
夫不成募人非財不濟今議動官帑則匱无所資議用
民力則窮非可任惟財力之俱絀故議者多難之然咽
喉不通則腹終不飽何惜一時之勞費而失無窮之富
饒乎惟今永鎮入衛容兵萬餘春秋防守不過分備邊
工今議通永運者非為之乏食慮乎

通邊餉之道揆之於義豐田

邊工暫行停減或量分主兵代修而移其衆以浚河計
名限日畫地分工若倘有不足則量加民夫三四十以
佐之仍委賢能有司分督如法則衆力競勦可不月而

成无煩奏請无費帑金於客兵未為勞于边方寔為永
賴矣

管府事徐準議


洪武八年穎川侯傅友德疏陳宜通清河故道上嘉其
言是後撫按道府屢建議行勦職親体踏自濼州城
南十里馬城地方原係國初因運之地人烟湊集城郭
遺址尚存自馬城南八里至煖泉即運糧故道雖年久
淤塞可以挑浚煖泉即青河源頭自煖泉至新橋海口
不及百里河水通流但河身濶狹深淺不同稍加開浚
即可行舟自新橋下海西至里洋海口百三十里矣西

大直沽百二十里不二百四五十里間順風一晝夜可
到又藉海濱之水不甚深中流遇風即下鉄矛拉往舟
自无恐且無磷石撞舟而今為商賈販賣糧食通行之
路不以為險船到新橋即便來潮入清河起糧貯馬城
倉內惟馬城東北至濼河六里地勢頗高难于浚鑿使
賢車輛騾驢馱至濼河上舡分運諸倉以實塞下查得
洪武三年符下山東行省募水工於萊州海洋運糧以
餉永平衛此漕一復則居民省挽輸之勞軍士壯飽歌
之氣所謂一勞而永逸事少而功多者也且一帆之便
舡只往來有无貿遷又足以通商阜財此漕運當復甚

明當復而久不復其故伊何蓋以議事非難任事為難也合無於府佐或州縣正內有才幹者擇選一員以董其事更選賢能佐式分効其勞俟事告成論功叙錄該挑丈尺的計九萬餘丈所費錢糧即于丈尺可會惟是國家大務閭閻不堪朘削宜出婦藏以需之既有專官又不乏財不數月間便可底績其所利賴於永者則千百世也

自萬歷年間議開漕通海未行而罷至天啟崇禎間因添設沿海兵馬需糧甚多清河卒難挑浚乃從海運由天津航海三百餘里至樂亭縣劉家墩海口入滦州二十五里上至銀夯柳倉交卸改用河舡運至府城西門外盤入永豐倉計水程銀夯柳至府西門百人十里春夏秋三時水運至冬水堅難行設陸運車夫自銀夯柳輓輸永豐倉海漕既通商一乃集南北貨物亦賴以通荒瘠之區稍變饒裕若云海道風波險阻乃行之凡二十年從未聞有粟溺之患此海運可行之明驗也至順治初年邊圉無警其衛日削需糧不多海運遂廢而沿

河倉房曰歷年不行修葺坍塌毀無存其樂亭劉家墩海口為登萊津遼海道極衝崇禎年間設海防一營駐劄汎防今草



天下郡國利病書卷六終

文化甲子



